

simul omnibus edico cōquiescant , & sibi
consultant, curamque quam pro me sum-
pserunt, pro me deponāt: ego enim pro
Epicuro statui, spretis opinionib. naturā
sequi , diuitias mihi quietissimas ac secu-
rissimas promittentem , quomodo autem
mutarer , qui ne in hoc quidem peccare
me nouerim: Imò si error est, errore dele-
ter & glorier, quo nihil pœnitentia magis
contrarium esse potest , siue qua spes
salutis delinquentibus vana est. Sapientis-
simè ergo & hoc ab Epicuro dicitur, quod
initiū salutis est, notitia peccati: nec quod
sequitur ab eodem dictum obliuisci va-
leo , quippe cum affigi animo Seneca iu-
beat: Aliquis, inquit, vir bonus nobis eli-
gendus est, ac semper ante oculos haben-
dus, vt sic tanquam illo spectante viua-
mus, & omnia tanquam illo vidente facia-
mus: Alibi imaginarium testem expri-
mēs, seipsum nominauit, sic enim inquit:
Fac omnia tanquam spectet Epicurus: V-
trumque locum tractans Seneca , Scipio-
nem eligi suadet aut Catonem, aut Læli-
um si Cato videatur asperior: denique ali-
quem cuius oratione ac moribus & ho-
nestate delecteris: Saluberrimè quidem
istud ab altero dictum, ab altero confir-
matum